



CONCELLO
DE
MALPICA DE BERGANTIÑOS
(A CORUÑA)

Avda. Emilio González López, 1
15113 MALPICA DE BERGANTIÑOS
Teléfs. 981 72 03 18 – 981 72 03 19 – 981 72 00 01
Fax 981 72 16 27
E-mail: correo@malpica.dicoruna.es
RELGA. MU – 2000/175 CIF: P-1504400A

ANUNCIO DE APERTURA DO TRÁMITE DE CONSULTA PÚBLICA PREVIA EN RELACIÓN COA ORDENANZA MUNICIPAL REGULADORA DE VAOS

De conformidade co disposto no art. 69 da Lei 7/1985, do 2 de abril, Reguladora das Bases do Réxime Local e no art. 133 da Lei 39/2015, do 1 de outubro, do Procedemento Administrativo Común das Administracións Públicas, e co obxecto de posibilitar a participación da cidadanía no procedemento de elaboración de normas de carácter regulamentario, con carácter previo á elaboración do proxecto de Ordenanza Municipal Reguladora de Vaos do Concello de Malpica de Bergantiños, procédese á apertura do trámite de consulta pública previa a través do portal web municipal e/ou sede electrónica.

A presente consulta ten por finalidade solicitar a opinión da cidadanía, veciñanza, titulares de inmoables, comunidades de propietarios, establecementos destinados a actividades económicas, asociacións e organizacións representativas potencialmente afectadas pola futura aprobación da ordenanza.

De acordo co previsto no citado precepto, a consulta pública versará sobre os seguintes extremos:

- Os problemas que se pretenden solucionar coa iniciativa normativa.
- A necesidade e oportunidade da súa aprobación.
- Os obxectivos da norma.
- As posibles solucións alternativas regulatorias e non regulatorias.

As persoas interesadas poderán formular as súas opinións, achegas e suxestións en relación coa iniciativa normativa que se propón durante o prazo de **vinte (20) días hábiles**, contados a partir do día seguinte ao da publicación do presente anuncio no portal web municipal e/ou sede electrónica (portal de transparencia).

As citadas opinións, achegas e suxestións poderán presentarse:

- De maneira presencial no Rexistro Xeral do concello, sito en Avda. Emilio González López, núm. 1, Malpica de Bergantiños, en horario de atención ao público, de 8:30 a 14:30 horas.
- De xeito telemático na Sede Electrónica do concello de Malpica de Bergantiños (<http://sede.malpicadebergantinos.es>).
- Por calquera dos medios/formas previstos no artigo 16.4 da Lei 39/2015, do 1 de outubro, do Procedemento Administrativo Común das Administracións Públicas.

1. Problemas que se pretenden solucionar coa iniciativa e obxectivos da norma.

Na actualidade, o réxime xurídico aplicable aos vaos e reservas de espazo para entrada e saída de vehículos presenta unha insuficiente regulación normativa e adaptada á realidade municipal.

Iso xera, entre outras, as seguintes problemáticas:

- Falta de homoxeneidade nos criterios de concesión de autorizacións.
- Indefinición de requisitos técnicos e condicións de accesibilidade.
- Dificultades na xestión, sinalización, control e inspección dos vaos.



CONCELLO
DE
MALPICA DE BERGANTIÑOS
(A CORUÑA)

Avda. Emilio González López, 1
15113 MALPICA DE BERGANTIÑOS
Teléfs. 981 72 03 18 – 981 72 03 19 – 981 72 00 01
Fax 981 72 16 27
E-mail: correo@malpica.dicoruna.es
RELGA. MU – 2000/175 CIF: P-1504400A

- Conflitos derivados do uso indebido do dominio público viario.

A iniciativa normativa ten por obxecto:

- Regular o procedemento de solicitude, outorgamento, modificación e extinción das autorizacións de vao.
- Establecer os requisitos técnicos, dimensións, sinalización e condicións de accesibilidade e seguridade viaria.
- Determinar os dereitos e obrigas das persoas titulares da autorización.
- Regular o réxime de infraccións e sancións, en coordinación coa normativa de tráfico e circulación.
- Garantir unha xestión eficiente e ordenada do dominio público municipal.

2. Necesidade e oportunidade da súa aprobación.

A aprobación dunha ordenanza municipal considérase necesaria por afectar a unha pluralidade indeterminada de persoas e por incidir directamente no uso privativo ou especial do dominio público local.

A aprobación da ordenanza constitúe o instrumento xurídico adecuado para dotar de seguridade xurídica, transparencia e coherencia á actuación administrativa, establecendo un marco normativo claro que permita:

- Ordenar o uso do espazo público.
- Compatibilizar o dereito de acceso a inmobles co interese xeral en materia de mobilidade e seguridade viaria.
- Garantir a actuación regrada da administración na resolución das autorizacións solicitadas.
- Garantir a igualdade de trato na concesión de autorizacións

A iniciativa axústase aos principios de boa regulación previstos no art. 129 da Lei 39/2015, en particular aos principios de necesidade, eficacia, proporcionalidade, seguridade xurídica, transparencia e eficiencia.

3. As posibles solucións alternativas regulatorias e non regulatorias.

Non se contempla a posibilidade da existencia de solucións non regulatorias.

Malpica de Bergantiños, asinado dixitalmente na data que figura á marxe

O alcalde,

Eduardo J. Parga Veiga